

Ժողովուրդ

186
(2666)

23 դեկտեմբերի ուրբաթ 2022
տպագրության ԺԱ տարի

ք. Երևան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՆԻԿՈՒ ՓԱՇԻՆՅԱՆԸ ԽԱԲԵԼ Է. ՄԱՍ 161



«Ժողովուրդ» օրաթերթը, 2022 թվականին նոր շարք սկսելով, ներկայացրել է 160 սուտ և մանիպուլյացիա, որն այս տարվա ընթացքում հնչեցրել է 33 վարչապետ Նիկոլ Փաշինյանը: Այսօր «Ժողովուրդ» օրաթերթի տարեկան համարն է, և քանի որ Լաչինի միջանցքն արդեն 10 օր է՝ շրջափակման մեջ է, որոշեցինք առանձնացնել մի քանի ստեր, որոնք վերաբերում են հենց Արցախին և այդ հարցի կարգավորմանը: «Մերժ Սարգսյանի թողած բանակցային ժառանգության մեջ չի նշվում, թե հանրաքվեն ԼՂ-ում է տեղի ունենալու: Ասվում է, որ ԼՂ ամբողջ բնակչությունը մասնակցելու է հանրաքվեին: Ավելի կոնկրետ ասվում է՝ համաժողովրդական հանրաքվե, որին մասնակցելու է ԼՂ ամբողջ բնակչությունը, այսինքն՝ ԼՂ ամբողջ բնակչությունը նույն ինքը համաժողովրդականը չէ», - հունիսի 15-ին ասել էր Փաշինյանը: Հոկտեմբերի 5-ին՝ 33 Ազգային ժողովում «Քաղաքացիական պայմանագիր» խմբակցության պատգամավորների հարցերին պատասխանելիս, վարչապետ Նիկոլ Փաշինյանը հերթական անգամ սուտ է խոսել՝ հայտարարելով. «Այն պահին, երբ Հայաստանն ընդունել է «Մարտի 1»-ի սկզբունքները»՝ որպես բանակցությունների հիմք, այդ պահից սկսած՝ ճանաչել է Ղարաբաղը Ադրբեյջանի կազմում»: Իրականությունը, սակայն, այն է, որ դեռևս 2007թ.-ին որպես բանակցությունների հիմք ընդունված «Մարտի 1» սկզբունքները՝ ճիշտ հակառակի մասին են վկայել: Մեկ անգամ էլ ԱԺ-ում իր ելույթին հաջորդած հարցուպատասխանի ընթացքում ասաց, որ, իր կարծիքով, այն ուժերը, որոնք 1998 թվականին Լեւոն Տեր-Պետրոսյանին իշխանությունից հեռացրին Ղարաբաղի հարցը փուլային տարբերակով լուծելու մտադրության համար, 20 տարի անց հանգեցին նույն կետին՝ սեղանին թողնելով փուլային կամ հիպոթետիկային լուծման տարբերակը:

«Ժողովուրդ» օրաթերթի հաջորդ համարը լույս կհանի 10.01.2023-ին:


Վարչապետ Նիկոլ Փաշինյանի ու յուրայինների հարաբերություններն իշխող «Քաղաքացիական պայմանագիր» կուսակցության՝ մոտ երկու ամիս առաջ տեղի ունեցած համագումարից հետո լարվել են: «Ժողովուրդ» օրաթերթի տեղեկություններով՝ Փաշինյանը որեւէ կերպ չի հաջողվում կուսակցության վարչության անդամների ընտրության ժամանակ տեղի ունեցած ընտրակեղծարարության հետ, ինչից հետո վարչության անդամները փոփոխվել էին: Համեմատելիս, թիմակիցների հետ հանդիպումներին միշտ հիշեցնում է այդ մասին: «Ամեն անգամ, երբ Փաշինյանը ոչ սեփական թիմից նշանակումներ է անում, ու դա հարուցում է յուրայինների զարմանքն ու զայրույթը, վարչապետը բոլորին հորդորում է «հանգիստ նստել տեղերը», քանի որ նրանք իր միակ անթերի ու չկեղծված ընտրություններ կազմակերպելու տիտղոսը գետնում են տվել: Փաշինյանը դա ներել չի կարողանում, քանզի թե՛ 33-ում գործող քաղաքացիական ներկայացուցիչները, թե՛ եկրոպական տարբեր կառույցներ միշտ էին առանձնացնում 2018թ.-ից ի վեր կազմակերպվող արդար ու թափանցիկ ընտրությունները: Այժմ, սակայն, մերօրյա իշխանություններն այդ մի խաղաղօթից էլ են զրկվել»,- «Ժողովուրդ» օրաթերթի հետ զրույցում ասաց իշխանամերձ մեր աղբյուրը: Մեզ նաեւ փոխանցեցին, որ Նիկոլ Փաշինյանը թիմակիցներին ասում է, թե նրանց մեծամասնության հետ այլևս չի ուզում ճանապարհ գնալ: Ընդգծում է նաեւ, թե ժամանակն է նոր շունչ հաղորդել ԶԳ-ին, ու հին յուրայիններին նոր յուրայիններով փոխարինել. վերջին ապացույցը 33 փոխվարչապետի պաշտոնում Տիգրան Խաչատրյանի նշանակումն էր:



Այդքան չարչրկված խաղաղության պայմանագիրը, կարծես թե, միս ու արյուն ստանալու փուլ է մտել, հայկական կողմը, սակայն, նոր-նոր է հասկանում, թե դրանից հետո ինչ նոր փորձություններ կարող են կախվել մեր երկրի գլխին: Անվտանգության խորհրդի քարտուղար Արմեն Գրիգորյանը երեկ հայտարարեց, թե այն միևնույն տարեկան կարող է ստորագրվել, վարչապետ Փաշինյանն էլ հավելեց, թե հայկական կողմի առաջարկները Բաքվին են փոխանցվել, ու եթե Ադրբեյջանն ընդունի դրանք, ապա փաստաթուղթը կստորագրվի: Սրան զուգահեռ՝ ՌԴ արտաքին գործերի նախարարությունը երեկ տեղեկացրեց, որ հայկական կողմը խնդրել է հետաձգել այսօր՝ դեկտեմբերի 23-ին Մոսկվայում արտգործնախարարների մակարդակով կայանալիք 33-Ադրբեյջան-ՌԴ եռակողմ հանդիպումը: Հայաստանյան իշխանությունը, որ միջազգային բոլոր հարթակներում հայտարարել է, թե պատրաստ է ստորագրել խաղաղության պայմանագիրն ու խոսել է հարեանների հետ խաղաղ ապրելու դիրքերից, այժմ փաստացի ու արդարացի հարցեր է ուղղում ինքն իրեն. իսկ ի՞նչ է լինելու, երբ փաստաթուղթը ստորագրվի, բայց Ադրբեյջանը շարունակի իր ձեռով՝ բռնությամբ կամ զոռբայությամբ հարցերը լուծել: Դրա ապացույցը հենց այս օրերին Արցախում տեղի ունեցողն է՝ 2020-ի նոյեմբերի 9-ի հայտարարության դրույթները խախտելով ու Լաչինի միջանցքը փակելով 120 հազար հայի շրջափակման մեջ պահելը: Թե ինչ լուծում կգտնեն հայ դիվանագետները, ու խաղաղության պայմանագիրը երբ, ինչ տեսքով կստորագրվի, դեռ հարց է, բայց հուսանք՝ չարչրկված այդ պայմանագիրը հայկական շահերը չի ոտնահարի:



«Ժողովուրդ» օրաթերթի տեղեկությունների համաձայն՝ 33 գլխավոր դատախազ Աննա Վարդապետյանը «Մարտի 1»-ի գործով հսկողություն ձևավորելու հատախազին փոխել է որպես հսկող դատախազ է նշանակել Հայկ Հովհաննիսյանին: Մեզ հասած տեղեկությունների համաձայն՝ օգոստոսին «Մարտի 1»-ի գործի վրա հսկողություն իրականացնող դատախազ Ազատ Մարգարյանը ազատվել էր պաշտոնից, նրան փոխարինել էր Կարապետ Համբարձումյանը, սակայն այս տարվա նոյեմբերի 15-ին Աննա Վարդապետյանը նրան տեղափոխել է այլ պաշտոնի՝ նշանակելով 33 գլխավոր դատախազության բնակչության առողջության դեմ ուղղված հանցագործությունների գործերով վարչության դատախազ, և ներկայումս, բացառությամբ դատարանում քննվող մասի, 33 գլխավոր դատախազության դատախազ Հայկ Հովհաննիսյանն է գործի նկատմամբ հսկողություն իրականացնում: Գլխավոր դատախազության հանրային կապերի բաժնից հաստատեցին «Ժողովուրդ» օրաթերթի տեղեկությունը: Այս պատմության մեջ ուշագրավն այն է, որ դատախազներ են փոխվում քրեական գործով, սակայն «Մարտի 1»-ի գործը այդպես էլ մնում է ջբացահայտված: Հակակոռուպցիոն կոմիտեն մեկը մյուսի հետեւից կարճում է «Մարտի 1»-ի գործերը՝ վաղեմության հիմքով, և դեռ ավելին՝ մինչ օրս հայտնի չէ, թե ով այդ օրը սպանեց 10 քաղաքացիներին Երևան քաղաքի կենտրոնում:



ԽԱՂԱՂԱՊԱՅՆԵՐ

ՄԱՆԻԱՏԸ ՊԵՏՔ Է ԸՆԴՀԱՆՅՆՎԻ

«Համախմբում» Եւրոման նախաձեռնող խումբը երեկ մամուլի ասուլիս էր հրավիրել ՀՀ կառավարության շեքի դիմաց, որի ընթացքում դատախազի անհրաժեշտ էր ՀՀ կառավարությունը գործողություններ ձեռնարկելու Արցախի Եւրոպական վերացման ուղղությամբ: Հիշեցնենք, որ ակնհայտ էր «Բնադրական» դատախազությանը Արցախի Հանրապետության դեմ իրականացնում է ագրեսիա, որի հետևանքով արդեն ավելի քան 10 օր է, ինչ արգելափակվել է Արցախի արտաքին աշխարհին կապող միակ ճանապարհը, իսկ Հայաստանի Հանրապետությունը, լինելով Արցախի Հանրապետության անվանագրության երաշխավոր, խուսափում է կատարել իր անհրաժեշտ պարտավորությունները Արցախի բնակչության նկատմամբ: «Ժողովուրդ» օրաթերթը կառավարության դիմաց գրուցել է «Համախմբում» Եւրոման նախաձեռնող խմբի անդամ Ալեքի Գալստյանի հետ:



Մեջ կետեր են, որոնք ինչ-որ իմաստով հուշում են այս իշխանությունների համար: Եթե այս իշխանությունը խելամիտ գործի, ապա կհասկանա, որ մեր ներկայացրած հուշումներից պետք է օգտվի, ոչ թե անընդհատ հակընդդեմ պնդումներ անի: Եվ երրորդը՝ այո, ճանապարհը փակել են արդեթանցիները, բայց խնդիրն այն է, որ կա եռակողմ համաձայնությունը 2020 թվականի նոյեմբերի 9-ի, որի կողմերից մեկը Հայաստանի Հանրապետությունն է: Եթե Հայաստանի Հանրապետությունն այդ եռակողմ համաձայնագիրը ստորագրել է, ապա հարց է առաջանում՝ եթե մյուս կողմերը դա խախտում են, ապա ի՞նչ է անում Հայաստանի Հանրապետությունը: Տեսք է, եթե Դուք մի փաստաթուղթ ստորագրեք ինձ հետ, ես խախտեմ, ապա Դուք ի՞նչ կանեք այդ դեպքում. օրինակ՝ դատարան կդիմեք, ես դա հրաշակի է: Սակայն միջազգային հարաբերություններում, որպես այդպիսին, դատարան գոյություն չունի: Միջազգային հարաբերությունները կառուցված են ուժային հաշվեկշիռի վրա: Դա նշանակում է, որ եթե դիմացի կողմը խախտում է պայմանագիրը եւ ուժ կիրառում, ապա կամ մենք պետք է ուժ կիրառենք, կամ պետք է հա-

մոզենք, որ այլ կողմերն ուժ կիրառեն նրա նկատմամբ: Դա է միակ ելքը:

-Բայց կարողանում ենք նման բան անել:

-Դե իմ ասածն էլ հենց այն է, որ եթե չեն կարողանում այս իշխանությունները նման կերպ գործել, ապա պետք է հրաժարական տան: Ամեն անգամ սեփական ապաշնորհությունը մեր վզին կապել պետք է: Մենք արդեն չորս տարի է՝ ապրում ենք սթրեսի պայմաններում, երբ այս իշխանությունն ամեն ինչ անում է, հետո գալիս ու հիմնավորում է իր ձախողումները: Ժողովուրդը հավատում ու ասում է՝ երեկ ուրիշ բան հնարավոր է, իսկ մենք ասում ենք, որ հնարավոր է. հրաժարական տվեք, գնացեք, ցույց տանք, որ հնարավոր է:

-Իշխանական պատգամավորների մի մասն ասում է, թե ռուսական կողմն իր պարտականությունը չի կատարում, թերևս է, իսկ մյուս մասն էլ, հակառակը, ասում է՝ չեն կատարում, որովհետև քաղաքացիական պատերազմը չունեն, եւ պետք է այդ մանդատի ծավալներն ավելի ընդլայնեն: Դուք ի՞նչ կարող եք ասել այդ մասին:

-Ես կարծում եմ, որ մանդատի ծավալները պետք է ընդլայնել, եւ դա մեր պահանջագրի երկրորդ կետն էր, եւ հենց այդպես էլ հնչում է՝ ընդլայնել մանդատը եւ նրան տալ ՄԱԿ-ի միջազգային կարգավիճակ: Ես կարծում եմ, որ դա է ճիշտ: Ես չեմ ասի, որ իշխանական պատգամավորներից մի քանիսի հետ եմ նույն տեսակետի, այլ կասեի, որ նրանք են մեզ հետ նույն տեսակետին, բայց մենք կարծում ենք հետեւյալը. այս իշխանությունները ժամանակին լուրջ սխալ են թույլ տվել, որ համաձայնել են նոյեմբերի 9-ի կրակի դադարեցմանը, առանց խաղաղության միջազգային երաշխիքների, եւ ստացել են միայն ՌԻ երաշխիքները՝ մի երկրի, որը հիմա գոնավոր է պատերազմական իրավիճակում: Եթե մենք ունենանք միջազգային մանդատ, կարծում եմ դա մեզ համար շահեկան կլինի:

Ջրուցեց ՍԵՎԱԿ ՎԱՐՈՂՈՍՅԱՆԸ

1 ՄԼՆ ԳՐԱՄԻ ՀՈՒՇԱՄԵԳԱԼ

Վահան Զերոբյանի ղեկավարած ՀՀ Էկոնոմիկայի նախարարությունը 50 հուշամեդալ է գնել մեկ անձից գնման սկզբունքով եւ Էմիլ Գրիգորյանի անվան Երեւանի ոսկերչական գործարանին վճարել ընդհանուր 1 մլն 882 հազար 500 դրամ: Նշենք, որ այս նույն ընկերության հետ երկու անգամ է պայմանագիր կնքվել. դրանցից մեկով ընկերությանը վճարվել է 970 հազար դրամ, որով գնվել է 20 հատ ոսկեպատ արծաթ հուշամեդալ՝ յուրաքանչյուրը 37 հազար դրամ արժողությամբ, 20 հատ հուշամեդալի տուփեր: Մեկ այլ պայմանագրով 912 հազար 500 դրամ է ծախսվել՝ 25 հատ արույր ոսկեպատ հուշամեդալ՝ յուրաքանչյուրը 19 հազար դրամ արժողությամբ, 5 հատ արծաթ ոսկեպատ յուրաքանչյուրը 37 հազար դրամ, եւ 30 հատ հուշամեդալի տուփ գնելու համար: Ուշագրավն այն է, որ Էմիլ Գրիգորյանի անվան Երեւանի ոսկերչական գործարանը հաճախ է հայտնվում մամուլի ուշադրության կենտրոնում: Բոլորովին վերջերս՝ այս տարվա դեկտեմբերի 14-ին, ոստիկանության Կենտրոնական բաժնի սահազանգ էր ստացվել Արշակունյաց պողոտա 14 հասցեում գործող «Էմիլ Գրիգորյանի անվան Երեւանի ոսկերչական գործարան» ԲԲԸ խանութ-սրահի աշխատակցից, որը հայտնել էր, որ խանութից գողացել են տարբեր տեսակի ոսկյա զարդեր՝ նախնական տեղեկություններով պատճառելով 350 հազար դրամի վնաս: Այս տարվա ապրիլին ուշագրավ հանգամանքներ ի հայտ եկան դարձյալ Էմիլ Գրիգորյանի մասով. նրա նկատմամբ վարույթն իրականացնող մարմնի կողմից որպես խափանման միջոց էր ընտրվել գրավը՝ 100.000.000 ՀՀ դրամի չափով: Մեղադրանքներ էին առաջադրվել Երեւանի ոսկերչական գործարանի նախկին եւ ներկա տնօրեններին, «Գնում»-ի տնօրենին: Այս ընկերությունը ՊԵԿ-ի կողմից եւս տարբեր ժամանակներում տուգանվել է: Փաստորեն, անբարեխիղճ ընկերությունը շարունակում է նոր պատվերներ ստանալ Վահան Զերոբյանի կողմից, այն էլ՝ «մեկ անձից գնում»-ի սկզբունքով՝ այն, ինչ ժամանակին կորուստի էր համարում Նիկոլ Փաշինյանը: Առանց մրցույթի գումարների բաշխում...

ՕՐԵՆՔՈՎ

ՀԱՅՏԱՐԱՐԱԳԻՐ ՆԵՐԿԱՅԱՑՆԵԼՈՒ ԿԱՐԳ

2023 թվականի հունվարի 1-ից բոլոր իրավաբանական անձինքն ռաբարտոր են ներկայացնել իրական սահառունների վերաբերյալ հայտարարագիր իրական սահառունների հայտարարագրման էլեկտրոնային համակարգի միջոցով (bo.e-register.am): Հայտարարագիրը չներկայացնելու եւ ոչ դաբար ներկայացնելու համար սահմանված է դասասխանասվություն:

Նախորդ տարիներին հայտարարագիրը ներկայացրած անձինք եւս պարտավոր են մինչեւ 2023 թվականի փետրվարի 20-ը գործակալություն ներկայացնել հաստատում առ այն, որ իրական շահառուների վերջին հայտարարագիրը պարունակում է արդիական տվյալներ կամ փոփոխված տեղեկություններ իրական շահառուների վերաբերյալ:

Եվ չնայած այս կանոնները գործելու են հունվարի 1-ից, սակայն շատերն անգամ տեղյակ չեն, որ նման կարգավորումներ են առկա, եւ պետք է ներկայացնեն հայտարարագիր: Ar2Lur.am-ը ներկայացնում է հայտարարագիր ներկայացնելու կարգը:

Այսպիսով, հայտարարագրի համար հաստատված է համապատասխան ձեւաթուղթ, որը լրացվում է էլեկտրոնային

տարբերակով եւ ներկայացվում էրավաբանական անձանց պետական ռեգիստրի գործակալություն: Հայտարարագիրը կազմված է մի քանի բաժնից, տեղեկություններ են լրացվում միջանկյալ իրավաբանական անձանց, իրական շահառուների մասին տվյալներ: Հայտարարագրով ստացված տվյալները բաց են լինելու, այսինքն՝ պետական ռեգիստրի գործակալության կայքում հասանելի են լինելու բոլոր իրավաբանական անձանց իրական շահառուների վերաբերյալ տեղեկությունները:

Նշված պարտավորության ժամկետը լրանում է 2023 թվականի մարտի 1-ին: Իրական շահառուների վերաբերյալ հայտարարագիր ներկայացնելու պարտականություն ունեցող անձի կողմից օրենքով սահմանված ժամկետում իրական շահառուների վերաբերյալ տեղեկություններ չներկայացնելն առաջացնում է վարչական պատասխանատվություն: Սկզբում կլինի նախազգուշացում, հաջորդ փուլում հնարավոր է լինի նաեւ վարչական տուգանք՝ մինչեւ 100 հազար դրամի սահմաններում:

Պատասխանելը մի քանի գլխավոր հարցերի.

Ո՞վ է իրական շահառուն
Իրավաբանական անձի իրական շահառուն ֆիզիկական անձ է, որին փաստացի

պատկանում է կազմակերպությունը, կամ որն իրականում վերահսկում է կազմակերպությունը: Իրավաբանական անձի իրական շահառուն հանդիսանալու չափանիշները սահմանվում են օրենքով:

Ի՞նչ ժամկետներում եւ ի՞նչ կարգով իրավաբանական անձինք պետք է ներկայացնեն հայտարարագրերը

Իրավաբանական անձինք պարտավոր են իրական շահառուների վերաբերյալ հայտարարագիրը եւ դրա հետագա փոփոխությունները էլեկտրոնային եղանակով ներկայացնել Արդարադատության նախարարության իրավաբանական անձանց պետական ռեգիստրի գործակալություն:

Հայտարարագիրը ներկայացնելու համար անհրաժեշտ է bo.e-register.am համակարգում մուտք գործել կազմակերպության էջը եւ առցանց լրացնել ու հանձնել էլեկտրոնային հայտարարագիրը:

Նախորդ տարիներին հայտարարագիր ներկայացրած անձինք մինչեւ փետրվարի 20-ը պետք է տեղեկատվություն ներկայացնեն նախորդ հայտարարագրում նշված տեղեկությունների արդիականության մասին կամ պետք է ներկայացնեն փոփոխված հայտարարագիր:

ՆԱԻՐԱ ՀՈՎԱՆՆԻՍՅԱՆ

ԻՐԱՎԻՃԱԿ

ՄԱՆՐԱՄԱՆԵՐ

ԿԱՐՈՂ ԵՆՔ ԳՆԱԼ ՈՒ ԱՆՑՆԵԼ ԼԱԶԻՆԻ ՄԻՋԱՆՅՔՈՎ

ՔԱՂԱՔԱՑԻ ՉԷ

Ռուսաստանի Դաշնության Նախագահ Վլադիմիր Պուտինը բավարարել է գործարար Ռուբեն Վարդանյանի՝ ՌԴ քաղաքացիությունից դուրս գալու դիմումը: Իրավական տեղեկատվության պաշտոնական պորտալում հրապարակված փաստաթղթում ասվում է. «Բավարարել հետեւյալ անձի՝ Ռուսաստանի Դաշնության քաղաքացիությունից դուրս գալու մասին դիմումը՝ Ռուբեն Կառլենի Վարդանյան (ծնվ. 1968 թվականի մայիսի 25-ին Յայաստանում)»:

ՄՏՈՐԱԳՐԵԼ ԵՆ

Ռուսաստանի Դաշնություն կատարած պաշտոնական այցի շրջանակում մերձնկտվյալ Նովո-Օգորյովո նստավայրում տեղի է ունեցել ՀՀ վարչապետ Նիկոլ Փաշինյանի եւ ՌԴ Նախագահ Վլադիմիր Պուտինի հանդիպումը:

ՀՀ վարչապետի՝ ՌԴ կատարած պաշտոնական այցի շրջանակում երկու երկրների միջեւ ստորագրվել են հետեւյալ փաստաթղթերը.

● «Հայաստանի Հանրապետության աշխատանքի եւ սոցիալական հարցերի նախարարության եւ Ռուսաստանի Դաշնության աշխատանքի եւ սոցիալական հարցերի նախարարության միջեւ սոցիալ-աշխատանքային ոլորտում համագործակցության մասին» հուշագիր,

● «Հայաստանի Հանրապետության արդարադատության նախարարության հարկադիր կատարման ծառայության եւ Ռուսաստանի Դաշնության դատական կարգադրիչների դաշնային ծառայության միջեւ 2022-2023թթ.» համագործակցության ծրագիր,

● «Էներգետիկական եւ ոչ էներգետիկական նախագծերի բնագավառում հայ-ռուսական համագործակցության համալիր ծրագիր»,

● «Հայաստանի Հանրապետության սննդի անվտանգության տեսչական մարմնի եւ Ռուսաստանի Դաշնության անասնաբուժական եւ բուսասանիտարական վերահսկողության դաշնային ծառայության միջեւ բույսերի կարանտինի ոլորտում տեղեկատվական համակարգերի ինտեգրման անցնելու վերաբերյալ» արձանագրություն,

● «Հայաստանի Հանրապետության կրթության, գիտության, մշակույթի եւ սպորտի նախարարության եւ Ռուսաստանի Դաշնության մշակույթի նախարարության միջեւ 2022-2025թթ. մշակույթի ոլորտում համագործակցության մասին» ծրագիր,

● «Հայաստանի Հանրապետության արդարադատության նախարարության եւ Ռուսաստանի Դաշնության արդարադատության նախարարության միջեւ 2022-2023թթ. համագործակցության ծրագիր»,

● «Հայաստանի Հանրապետության կառավարության եւ Ռուսաստանի Դաշնության կառավարության միջեւ տեղեկատվական անվտանգության ապահովման բնագավառում համագործակցության մասին» համաձայնագիր:

«Ադրբեջանի կողմից, բնական է, շահագրգիռ չենք էլ ակնկալում», - դեկտեմբերի 22-ի մամուլի ասուլիսում նեց Միջազգային իրավական հարցերով ՀՀ ներկայացուցիչ Եղիշե Կիրակոսյանը՝ անդրադառնալով հարցին՝ եթե Ադրբեջանը, ամեն դեպքում, ՄԻԵԳ-ի կողմից միջանկյալ միջոց կիրառելուց հետո շարունակում է փակ դահլիճ ճանապարհը, ինչ գործիքակազմ կա, ինչ է սպասվում:

«Ցավոք սրտի, գործիքակազմ ունի սահմանափակումներ, բայց զուտ եթե ֆորմալ առումով խոսենք, Եվրոպական կոնվենցիայի շրջանակներում հետեւյալ քայլերի հնարավորությունը կա. նախ՝ Նախարարների կոմիտեի հարթակը կա, որին ծանուցելու հնարավորություն ունի դատարանը իր կիրառած միջոցների մասին:

Նախարարների կոմիտեն, լինելով Եվրոպայի խորհրդի քաղաքական հիմնական մարմինը, հետեւում է նաեւ դատարանի վճիռների կատարման ընթացքին: Նախարարների կոմիտեն պետք է անհրաժեշտության դեպքում քննարկի, միջամտի այս հարցերին, հասկանալ, թե քաղաքական առումով ինչ քայլեր է անհրաժեշտ ձեռնարկել, որպեսզի ավելի ուժեղացնի Ադրբեջանի նկատմամբ ճնշումը»:

Եղիշե Կիրակոսյանը նկատեց, որ նման որոշումներից հետո Հայաստանը պետք է լուրջ աշխատանք տանի դիվանագիտական ոլորտում. «Այսպիսի որոշումների արդյունավետությունը կախված է նաեւ մեր հետագա ակտիվ քայլերից, դիվանագիտական ու քաղաքական աշխատանքից»:

Լրագրողի նկատեց, որ Հայաստանը երկու պահանջ էր ներկայացրել ապաշրջանակելու Լաչինի միջանցքը եւ ապահովել կարիք ունեցողների տեղաշարժը: Ըստ էության, ստացվում է, որ ՄԻԵԳ-ը միայն երկրորդ պահանջն է բավարարել. կարելի՞ է անել եզրակացություն, որ ՄԻԵԳ-ն իսկապես Ադրբեջանին հստակ ցուցում չի տվել բացել, ապաշրջանակել Լաչինի միջանցքը:

ՕՐՎԱ ԽՃԱՆԿԱՐ

ՕԳՏԱԳՈՐԾՈՒՄ Է ՊՈՏԵՆՑԻԱԼԸ

«Հայաստանն օգտագործում է իր ողջ կարողությունները, աշխատում է, որ հնարավորինս արագ Լաչինի միջանցքը բացվի», - վստահեցրեց ՀՀ անվտանգության խորհրդի քարտուղար Արմեն Գրիգորյանը ԱԺ-ում լրագրողների հետ ճեպագրույցում: «Հայաստանն իր ամբողջ կարողություններն օգտագործում է, որպեսզի կարողանանք օգտագործել բոլոր այն հնարավոր գործիքները, որոնք առկա են, որպեսզի Լաչինի միջանցքը վերադառնա իր բնականոն հունին, այսինքն՝ աշխատի նոյեմբերի 9-ի հայտարարության համաձայն, որտեղ հստակ նշված է, որ ԼՂ կապը ՀՀ-ի հետ իրականացվում է Լաչինի միջանցքով, իրականացվում է անխոչընդոտ», - վստահեցրեց Գրիգորյանը:

ՀԱՄԱՏԵՂ ՀԱՅՏԱՐԱՐՈՒԹՅՈՒՆ

Արեւմտյան Ամերիկայի հայկական կազմակերպությունները Արցախի շրջանակ-



Ի պատասխան՝ Եղիշե Կիրակոսյանը ասաց. «Եվրոպական դատարանի կողմից նման ձեռնարկում տալն ունի պատճառներ: Մենք, իհարկե, պահանջել էինք ապաշրջանակել ճանապարհը, փորձել էինք հնարավոր մաքսիմալ պահանջը դնել դատարանի առջեւ՝ հիմնավորելով դրա անհրաժեշտությունը, բայց դատարանն ունի որոշակի սահմանափակվածություններ: Այսինքն՝ դատարանի՝ միջանկյալ միջոց կիրառելու շրջանակն իր նախադեպային իրավունքի տրամաբանության տակ սահմանափակված է կոնվենցիայի 2-րդ հոդվածով՝ կյանքի իրավունքը պաշտպանող, 3-րդ հոդվածով՝ անմարդկային, դաժան, արժանապատվությունը նվաստացող վերաբերմունքի արգելք, բացառիկ դեպքերում՝ 8-րդ հոդվածով՝ մասնավոր կյանքի անձեռնմխելիություն, որոնցով պաշտպանող իրավունքների համար, երբ կա անդառնալի վնասի ռիսկ, այդ պարագայում դատարանում կիրառում է միայն այս միջոցը: Այսինքն՝ դատարանից ակնկալել, որ միայն ասելու էր՝ բացել ընդհանրապես, սխալ կլիներ. դատարանը երբեք այդպիսի բան չէր ասի, իր ցանկացած գործողություն պետք է կապեր կոնկրետ իրավունքի հետ: Նույնիսկ եթե մենք դատարանից

ստացել ենք սա, արդեն բավականին մեծ քայլ է»:

Ե. Կիրակոսյանը նաեւ նշեց, որ եթե հարցը շարունակեն բարձրացնել Արդարադատության միջազգային դատարանում, մի քիչ ավելի լայն միջոց ստանալու հնարավորություն կա. հիմա քննարկվում է այդ հարցը:

Նա տեղեկացրեց, որ ՄԻԵԳ-ում իրենք բարձրացրել են նաեւ հարցը, որ ադրբեջանցի «բնապահպանների» շարքերում կան զինվորականներ. նրանցից մեկը անգամ լուսանկարվել է Ռամիլ Սաֆարովի հետ, ինչն ինքնին վտանգավոր կամ մտահոգիչ է. «Պարենային անվտանգության հատվածը եւս ներկայացրել ենք: Շեշտը դրված է եղել հատկապես դեղորայքային խնդիրների վրա: Մենք երկու ուղղությամբ ենք աշխատում. մենք ապացույցներ ենք ներկայացնում դատարանին, միաժամանակ փորձում ենք մաքսիմալ նվազեցնել Ադրբեջանի կողմից իրականացվող մանիպուլյացիաների էֆեկտը դատարանի վրա»:

Հարցին, թե ՄԻԵԳ-ի որոշումը հնարավորություն տալիս է արդյոք մտնելու դեպքում ու պարեն ուղարկել Արցախ, Կիրակոսյանը պատասխանեց. «ՄԻԵԳ-ի որոշումը հնարավորություն է տալիս մեկնաբանություններ անելու: Այնտեղ լայն է ձեռնարկված, եւ պարտադիր չէ, որ մենք սահմանափակվենք միայն հիվանդներով եւ ճանապարհին մաքողներով, որովհետեւ այն մարդիկ, որ գնում են, հետո անհրաժեշտ է լինելու նորից գնալ-գալ: Շատ կարեւոր է, որ ՄԻԵԳ-ի որոշման մեջ նշված է նոյեմբերի 9-ի հայտարարության մասին, իսկ այդ հայտարարությունում հստակ նշված է Լաչինի միջանցքով մարդկանց բեռների, մեքենաների ազատ տեղաշարժն ապահովելու մասին: Պատահական չէ, որ դատարանը մեջբերում է այդ հայտարարությունը: Այսինքն՝ սա նշանակում է, որ, այո, մենք հիմա կարող ենք վեր կենալ, գնալ ու անցնել Լաչինի միջանցքով»:

Հիշեցնենք՝ Եվրոպական դատարանը բավարարել է Հայաստանի ներկայացրած պահանջը եւ միջանկյալ միջոցներ կիրառել Ադրբեջանի նկատմամբ: ՆԱԽՈՎ ՀՈՎՅԱՆՆԻՍՅԱՆ

ձմեռային եղանակային պայմաններում տառապող ժողովրդին:

ԳՈՐԾՈՒՄ ԵՆ ՀԱՄԱՉԱՅՆԱԳՐՈՎ

«Ռուս խաղաղապահները Լեռնային Ղարաբաղում գործում են ստորագրված համաձայնագրերի համաձայն», - ասել է ՌԴ Նախագահի մամուլի քարտուղար Դմիտրի Պեկովը՝ մեկնաբանելով ՀՀ վարչապետ Նիկոլ Փաշինյանի հայտարարությունը, թե գործախուժը չի կատարում Լաչինի միջանցքի վերահսկողության իր պարտավորությունները: Այս մասին հաղորդում է ՌԻԱ Նովոստին: «Ռուս խաղաղապահներն անում են հնարավոր ամեն ինչ՝ ապահովելու կարգ ու հանգստություն այն տարածքներում, որտեղ նրանք աշխատում են: Եվ գործում են՝ բացառապես փաստաթղթերի ոգուն եւ տառին համապատասխան, որոնք ստորագրվել են երկրների միջեւ», - ասել է Կրեմլի խոսնակը: Նա ընդգծել է, որ Մոսկվան կշարունակի այդ հարցը քննարկել հայ դաշնակիցների հետ:

ՂԱՎԱՃԱՆՈՒԹՅՈՒՆ

ՊԵՏԱԿԱՆ ԳԱՂՏՆԻՔԸ՝ 93 ՎԱՋԱՐ 250 ԴՐԱՄԻ ԴԻՄԱՑ

ՀՀ ՊՆ Ն գործառնաի դայանաագրային զինծաայոդը՝ ավագ սերժանի զինվորական կոչումով, 2022 թվականի հունվարին «Օդակայանի» սոցիալական ցանցի միջոցով ծանոթացել է օտարերկրյա հասուկ ծաայոթյունների աշխատակցի հետ, աղա հավաագրվել է վերջինիս կողմից ե հանագանցային «Վոթաափ» հավելվածի միջոցով 2022 թվականի հունվարից մինչե 2022 թվականի հունիսն ընկած ժամանակահատվածում կադի մեջ է գանվել ադրբեջանական հասուկ ծաայոթյունների վերը նված ներկայագուցի հետ:



րոթայաբ հավաբել ե նրան է հանձնել պետական գաղտնիք կազմող տեղեկություններ՝ իր ծաայոթյան գորամասի պահպանության շրջանում գտնվող մարտական դիրքերի անվանումների, գծալարային կապի անցկացման ուղիների, գումարտակի հրամանատարական դիտակետի տեղակայման, միջդիրքային հեռավորությունների ե դրանց կահավորվածության վերաբերյալ տեղեկություններ պարունակող «Կապի կազմակերպման սխեմա»-ն, որի դիմաց, որպես վարձատրություն, ստացել է 48 հազար դրամ:

դիրների հնարավոր ծավալները, այդպիսով խոչընդոտել է ՀՀ ՁՈՒ ստորաբաժանումների առջե դրված խնդիրների պատշաճ իրականացմանը: րտեսության, ռազմական բնագավառում պետական ե ծաայոթական գաղտնիքի շարքին դասվող տեղեկություններ հավաբելու ե հանձնելու, ինչպես նաե թշնամական գործունեություն իրականացնելու համար օտարերկրյա կազմակերպության ներկայացուցչին այլ օգնություն ցույց տալու եղանակներով ի վսաս Հայաստանի Հանրապետության տարածքային անձեռնմխելիության ե արտաքին անվտանգության կատարել է պետական դավաճանություն:

Ազգային անվտանգության ծաայության բնական դեպարտամենտում իրականացված նախաքննությամբ փաստական տվյալներ են ձեռք բերվել այն մասին, որ այդ ընթացքում պայմանագրային զինծաայոդը օտարերկրյա հատուկ ծաայությունների աշխատակցից ընդունել է վարձատրության դիմաց Հայաստանի Հանրապետության ինքնիշխանությանը, տարածքային անձեռնմխելիությանը ե արտաքին անվտանգությանն ի վսաս օգտագործելու համար ծաայության բերումով իրեն հայտնի պետական, ծաայողական գաղտնիք հանդիսացող, ինչպես նաե ռազմական բնույթի այլ տեղեկություններ հավաբելու ե հանձնելու վերաբերյալ առաջարկը:

Նույն ժամանակահատվածում նշված պայմանագրային զինծաայոդը հանձնելու նպատակով հավաբել ե հանագանցային կապի ընթացքում 2022 թվականի ապրիլին ադրբեջանական հատուկ ծաայությունների աշխատակցին է հանձնել պետական գաղտնիք կազմող տեղեկություններ: Վերջինս փոխանցել է իր ծաայության գորամասի պահպանության տեղամասում գտնվող N մարտական հենակետի հանագանցային տեղորոշման հնարավորությունն ընձեռող ծրագրի կիրառմամբ կատարված ե հենակետի տեղակայման հստակ կորդինատները բացահայտող լուսանկարը, մարտական հենակետերի միջդիրքային հեռավորության վերաբերյալ ձեռագիր սխեման, որոնց դիմաց՝ որպես վարձատրություն համապատասխանաբար 24 հազար ե 21 հազար 250 դրամ գումար:

Բացի այդ, 2022 թվականի մայիսի 17-20-ն ընկած ժամանակահատվածում ադրբեջանական հատուկ ծաայությունների վերը նշված ներկայագուցի հանձնարա-

Այսպիսով, նշված պայմանագրային զինծաայոդը հնարավորություն է ստացել, չբացահայտելով օտարերկրյա հատուկ ծաայությունների օգտին աշխատելու փաստը, հավաբել ե վարձատրության դիմաց վերջիններիս հանձնել պետական, ծաայողական գաղտնիք կազմող, ռազմական բնագավառի այլ տեղեկություններ հանդիսացող տվյալներ, որով հակառակորդին ընձեռել է իրական հնարավորություն՝ հավանական մարտական գործողությունների պլանավորման ընթացքում կատարելու ուժերի ե միջոցների ճշգրիտ հաշվարկներ, որոշել տարբեր հատվածներում իր կողմից խնդիրների կատարմանն ընդգրկվող ուժերի ե միջոցների քանակը, տեղակայումները, ինչպես նաե կանխորոշել Հայաստանի Հանրապետության զինված ուժերի գորամասերից մեկի կողմից իր առջե դրված մարտական խնդիրների բնույթը, իրականացվելիք խն-

Նշված հանցանքը կատարելու համար հսկող դատախազը որոշում է կայացրել՝ պայմանագրային զինծաայոդի նկատմամբ 2003 թվականի ապրիլի 18-ին ընդունված ՀՀ քրեական օրենսգրքի 299-րդ հոդվածի 1-ին մասով հանրային քրեական հետապնդում հարուցելու մասին: Նրան մեղադրանք է ներկայացվել: Երեան քաղաքի ընդհանուր իրավասության առաջին ատյանի դատարանի որոշմամբ՝ որպես խափանման միջոց է կիրառվել կալանքը:

Քրեական վարույթով նախաքննությունն ավարտվել է, ե 2022 թվականի դեկտեմբերի 22-ին հսկող դատախազի որոշմամբ հաստատվել է մեղադրական եզրակացությունը, քրեական վարույթի նյութերը հանձնվել են Տավուշի մարզի ընդհանուր իրավասության առաջին ատյանի դատարան:

ԼՈՒՐԵՐ

ԱՌԵԲԵՎՈՒՅԹ ԱՎԱԶԱՆՈՒԹՅՈՒՆ

ՀՀ բնական կոմիտեի Երեան քաղաքի բնական վարչության Երեանի ե Նուբարաշեն վարչական շրջանների բնական բաժնում ՀՀ քրեական օրենսգրքի 252-րդ հոդվածի 3-րդ մասի 2-րդ կետով նախաձեռնված քրեական վարույթի շրջանակներում իրականացվում են բնական ե վարույթային գործողություններ՝ 2022 թվականի դեկտեմբերի 21-ին Երեան քաղաքի Նուբարաշեն վարչական շրջանում տեղի ունեցած ավագակության դեպքի բոլոր հանգամանքները պարզելու ուղղությամբ: Նախնական տվյալներով՝ նույն օրը՝ ժամը 02:30-ի սահմաններում, ենթադրյալ հանցագործությունը կատարած անձը, կոտրելով Երեան քաղաքի Նոր Արեշ 22-րդ փողոցում գտնվող տներից մեկի մուտքի դուռը, ապօրինի մուտք է գործել այնտեղ, հարձակվել նշված տանը միայնակ ապրող 75-ամյա բնակչի վրա, հարվածներ հասցրել վերջինիս մարմնի տարբեր հատվածներին, դանակի սպառնալիքով հափշտակել 1.000.000 ՀՀ դրամ ե դիմել փախուստի: Նախաքննության ընթացքում կատարվել է դեպքի վայրի զննություն, վերցվել են արևամասն հետքեր, հարցաքննվել են մի շարք անձինք, ՀՀ ոստիկանության համապատասխան բաժնի տրվել է օպերատիվ-հետախուզական միջոցառումներ ձեռնարկելու վերաբերյալ բնական հանձնարարություն: Նշանակվել են դատազենտիկական ե դատաբժշկական փորձաքննություններ: Նախաքննությունը շարունակվում է: Միջոցներ են ձեռնարկվում առերևույթ հանցագործությունը կատարած անձին հայտնաբերելու, դեպքի հանգամանքները պարզելու ուղղությամբ:

70 ՎԱՋԱՐ ԴՈՒՍԻՔ՝ ԱԳԲԱՄԱՆՈՒՄ

ArmLur.am-ին հասած տեղեկությունների համաձայն՝ օրերս ուշագրավ դեպք է եղել Երեան քաղաքում: 70 տարեկան տատիկը զանգահարել է իրավապահներին ե հայտնել, որ Դավթաշեն վարչական շրջանի աղբամաններից մեկում սխալմամբ աղբի հետ թափել է իր 70 հազար դոլարը: Տատիկը իրավապահներին հստակ մատնանշել է, թե կոնկրետ որ փողոցի որ վայրում է գցել աղբը: Իրավապահները կնոջ ահագանգին ընթացք են տվել, գնացել են նրա բնակարան, զրուցել են նրա հետ, նրա այդ հայտարարությանը խիստ կասկածանքով են վերաբերվել, սակայն զբաղվել են կնոջ ահագանգով:

Ավելի ուշ ստուգել են Դավթաշեն վարչական շրջանի աղբամանը ե տեսել են, որ այնտեղ գումար չկա: Որոշ ժամանակ անց ստուգվել են աղբամանի տարածքում գտնվող տեսախցիկները: Տեսախցիկների ստուգման ընթացքում նկատվել են մի տղամարդու, որը մոտեցել է աղբամանին ե փնտրել է ուտելիք ե հագուստ, որից հետո աղբամանից հանել է մի տուպակ ե հեռացել: Ոստիկանություն դիմած տատիկը հետաքննիչներին հայտնել է, որ հենց այդ տուպակի մեջ էլ գտնվել է իր 70 հազար դոլարը: Ոստիկանները գտել են տղամարդուն ե նրա բնակարանից հայտնաբերել են 70 հազար դոլարը: Իսկ թե 70 տարեկան տատիկին որտեղից այդ գումարը, միգուցե կարգեն իրավապահները:

ԿԱՇԱՌԸ

ԿԵՂԾ ՄԵՐՏԻՖԻԿԱՏՆԵՐ ԵՆ ՏՐԱՄԱԴՐՎԵԼ

COVID-19-ի դեմ դասվաւսված լինելու մասին կեղծ սերտիֆիկատներ կազմած ե ակնհայտ աղօրինի անգործության համար կաւառք սւագած «Ալաւկերտի բժշկական ամբուլատորիա» համայնգային ոչ առեւտրային կազմակերպության սերտն Լ.Մ.-ի, նրան օժանդակած նույն բուժհաստատության բուժօւյր Օ.Կ.-ի, կաւառքի միջնորդությունը սւանձնած Հ.Գ.-ի, կաւառք սվող Բ.Բ.-ի ե դաւաւոնեական կեղծիք կաւարելուն դրող Ս.Թ.-ի վերաբերյալ մեղադրական եզրակացությունը 2022 թվականի դեկտեմբերի 20-ին հսկող դաւաւազի կողմից հաստատվել ե վարույթի նյութերի հետ միասին հանձնվել ե Հակակոռուպցիոն դաւաւան:

Հակակոռուպցիոն կոմիտեում իրականացված նախաքննությամբ փաստական տվյալներ են ձեռք բերվել, որ կորուսավիրուսային հիվանդության դեմ պատվաստման գործընթացում լիազորություններ ունեցող «Ալաշկերտի բժշկական ամբուլատորիա» ՀՈԱԿ-ի տնօրենը 2021 թվականին մի շարք քաղաքացիներից, այլ անձանց միջնորդությամբ, որպես կաշառք ստացել է տարբեր չափերի գումար, ընդունել կաշառք տալու առաջարկներ, ինչպես նաե քաղաքացիների դրամամբ կատարել է նաե պաշտոնական կեղծիք: Սասնավորապես՝ շահադիտական նպատակով քաղաքացիների՝ կորուսավիրուսային հիվանդության դեմ իբր պատվաստված լինելու վերաբերյալ կեղծ տեղեկությունները

նույն բժշկական հաստատության այլ աշխատակցի օժանդակությամբ լրացրել է Առողջապահության նախարարության կողմից սահմանված ձեւաթղթում, ինչպես նաե մուտքագրել է պաշտոնական «Արմեդ» համակարգ՝ կազմելով պատվաստված լինելու վերաբերյալ կեղծ սերտիֆիկատ:

Գլխավոր դատախազությունը հորդորում է Հայաստանի Հանրապետությունում գործող բժշկական հաստատությունների աշխատակիցներին ե քաղաքացիներին զերծ մնալ նման հանցավոր գործունեությունից՝ հաշվի առնելով, որ դրա արդյունքում իրական վտանգ է ստեղծվում անձանց կյանքի ե առողջության համար՝ որոշ դեպքերում հանգեցնելով անդամալի հետեւանքների:

● Ըստ ոստիկանության տվյալների՝ դեկտեմբերի 21-ից 22-ը Հայաստանի Հանրապետությունում բացահայտվել է հանցագործության 50 դեպք, որոնցից 2-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԽՆԱՄՔԻ ՆՊԱՍՏ



ՀՀ ԱՍՀՆ տեղեկատվության և հաճախորդային հարաբերությունների կառավարման կենտրոնի տնօրենի պաշտոնը զբաղեցրած է Գրիգոր Գրիգորյանը:

Մինչև 2023 թվականի հունվարի 1-ը ծնված երեխային խնամելու կապակցությամբ՝

-խնամքի արձակուրդում գտնվող ծնողի համար՝ 31,600 դրամ (գործող 28,600 դրամի փոխարեն),

-գյուղաբնակ չափատող ծնողի համար՝ 31,600 դրամ (գործող՝ 28,600 դրամի փոխարեն),

-խնամքի արձակուրդում գտնվող գյուղաբնակ ծնողի համար՝ 63,200 դրամ (գործող՝ 57,200 դրամի փոխարեն):

2023 թվականի հունվարի 1-ից հետո ծնված երեխային խնամելու կապակցությամբ՝

-խնամքի արձակուրդում գտնվող ծնողի համար՝ 31,600 դրամ (գործող՝ 28,600 դրամի փոխարեն),

-խնամքի արձակուրդում գտնվող ծնողի համար՝ 37,500 դրամ (գործող՝ 28,600 դրամի փոխարեն),

-խնամքի արձակուրդում գտնվող գյուղաբնակ ծնողի համար՝ 69,100 դրամ (գործող՝ 57,200 դրամի փոխարեն):

Acba digital ՀԱՎԵԼՎԱԾ

Հայաստանում առաջինը թվային քարտեր թողարկած «Ակբա» բանկը հնարավորություն է ընձեռում acba digital-ի միջոցով 24/7 ռեժիմով մինչև 28.02.2023թ. անվճար պատվիրել մեկ Visa Digital քարտ:

Բացի օնլայն վճարումներից, բանկի թվային քարտերը հնարավոր է օգտագործել նաև իրական միջավայրում վերջինս կցելով Apple Pay եւ Google Pay դրամապանակներին:

«Ակբա»-ն նաև առաջինն է ու դեռևս միակն է Հայաստանում, որ հաճախորդներին հնարավորություն է տալիս փոխել թվային քարտի դիզայնը՝ ընտրելով acba digital համակարգում առաջարկվող ավելի քան 30 դիզայններից որևէ մեկը:

Acba digital հավելվածը հնարավոր է ներբեռնել՝ այցելելով բանկի պաշտոնական կայքէջ:

Ավելին կարող եք իմանալ՝ այցելելով բանկի պաշտոնական կայքէջ:

Բանկը վերահսկվում է ՀՀ ԿԲ կողմից:

ԱՄԵՆԱՄՅԱ ԲԱՂԱՔԱԿԱՆ ԱՍՏՂԱԳՈՒՇԱԿ

ԻՆՉ Է ՄՊԱՍՎՈՒՄ 2023-ԻՆ՝ ՄԵՎ ՃԱԳԱՐԻ ՏԱՐՈՒՄ

2023-ի խորհրդանիշը ջրային նաղասակն է. այս կենդանին բոլորիս խոստանում է փոփոխություններ: Հաջորդ տարի բոլորս կյանքի հանգիստ ու խաղաղ ընթացք չենք կարող ակնկալել: Փոփոխություններ են սպասվում կյանքի բոլոր ոլորտներում: Զոհեք է մոռանա՞նք մեր ինքնությունը եւ հայրենի հողում ապրելու վճռականությունը:

Ավանդույթը չխախտելով՝ «Ժողովուրդ» օրաթերթը ներկայացնում է Հայաստանի իշխանական եւ քաղաքական գործիչների հորոսկոպը՝ քաղաքական ապագայի կանխատեսումներով:


Եւ այսպես.

ՀՀ վարչապետ Նիկոլ Փաշինյան



Ճագարի տարում ծնված Փաշինյանի համար անձնապես հաջողակ տարի է խոստանում լինել 2023 թվականը: Բախտը էլի կլինի նրա կողքին, ֆինանսական հաջողությունների տեղատարափը կշարունակվի: Փափուկ եւ անհոգ կյանքը, այս կամ այն հարցի լուծման համար դիմելիության հոսքը կշարունակի շլացնել Ձեզ ու Ձեր մերձավորներին, սակայն գործնական կյանքում սթրեսները անխուսափելի կլինեն: Անհասկացվածությունը կշարունակի Ձեր հիմնական ուղեկիցը լինել ողջ տարվա ընթացքում. ժամանակ առ ժամանակ անհասկացվածություն կլինի ինչպես մերձ թիմակիցների, այնպես էլ արտաքին կենտրոնների հետ հարաբերություններում: Արկածախնդրությունը էլի կդրսեւորվի Ձեր կյանքում հաճախ, ինչի համար աստղերը հուշում են լինել առավել կայուն, պահպանել դիրքորոշումները, պահի տակ որոշումներ չկայացնել, չձգտել սեղմել, ճնշել որեւէ մեկին... Փոխարենը լավ կլինի գտնել այս կյանքում գոնե մեկ հուսալի, անփոփոխ, անդավաճան ընկեր... Եթե չի հաջողվի, հոգ չէ, կապրեք այսօրվա ընկերներով, ինչպես անցած մոտ 5 տասնյակ տարիների ընթացքում: Այնպես որ, հիշեք՝ աստղերը հուշում են, բայց չեն պարտադրում:

ՀՀ նախագահ Վահագն Խաչատրյան



Խոզի տարում ծնված Վահագն Խաչատրյանի համար 2023-ը խոստանում է գերազանց տարի լինել: Այս կենդանակերպի համար ֆինանսական առումով տարին շատ շահավետ կլինի՝ եկամուտների, ծայտյալ փոստային բիզնեսը զարգացնելու տեսանկյունից: Աշխատանքային գործունեությունը, որն իր մեջ ներառում է զեքո պատասխանատվություն, իսկը Ձեզ համար է: Բոլորը ամեն բան մտածում եւ իրականացնում են Ձեր փոխարեն, մտում է՝ ինքներդ հոգաք գլխավոր հարցը՝ ինչպես շարունակել արքայավայել կյանքը


կարիերայի ավարտից հետո: Դրա համար 2023 թվականին Ձեր նպատակը պետք է լինի ավելի շատ ներդրումներ կատարելը, քանի դեռ եկամուտները Ձեզ ֆինանսապես ապահով չեն դարձրել: Բայց ռիսկ, ամեն դեպքում, կա՝ հաշվի առնելով քաղաքական այն առաջնորդին, որի հրահանգները կատարում եք անվերապահորեն: Նա ցանկացած պահի կարող է հրահանգել գահընկեց անել Ձեզ՝ հաշվի առնելով, որ նախորդ կյանքում Դուք ի պաշտոնե օգնել եք գործարարներից մեկին Երեւանի սրտում շինության տեր դառնալ, ինչը ՀՀ գլխավոր դատախազի ուշադրության կենտրոնում է հայտնվել: Ամեն դեպքում, աստղերը հուշում են՝ Ձեր չեզոք վերաբերմունքը եւ կայացված որոշումները չքննարկողի կեցվածքը կօգնեն երկարաձգել կառավարումը մինչեւ նոր, առավել հարմար թեկնածուի ի հայտ գալը: Վերջում հիշեք, որ աստղերը հուշում են, բայց չեն պարտադրում կատարել Փաշինյանի բոլոր հրահանգները:

ՄԺ նախագահ Ալեն Սիմոնյան



Կապիկի տարում ծնված Ալեն Սիմոնյանի համար 2023-ը կարող է լինել հաջողակ եւ կայուն, բայց դրա համար պետք է մի քիչ այս քաղաքում: Հարավում է՝ աշխատավայրում անսպասելի բաներ տեղի ունենան, բայց պետք է գիտակցել դրանց պատճառները, մաքրել սեփական թիմը ինքնահաստատման կարիք ունեցողներից եւ շրջապատվել այնպիսի մարդկանցով, որոնք իրապես Ձեզ հավատարիմ են, այլ ոչ թե Ձեր կողքին են իրենց կարիերայի առաջընթացի ապահովման համար: Իհարկե, սեփական թիմում Ձեր ոտքի տակը փորողների պակաս չկա, բայց պետք է հումորով վերաբերվել գործադրվող ջանքերին՝ իհարկե դասեր քաղելով ամեն փորձությունից: Չպետք է վեր-վեր թռնել ունեցած հաջողություններից, այլ դրանք ծառայեցնել՝ ի բարօրություն բոլորի: Աստղերը հուշում են ընտանեկան հարաբերություններում լինել ընդգծված ազնիվ եւ փխրուն հարաբերությունները չբարդացնել: Հիշեք՝ ընտանիքն ամենակարևոր ձեռքբերումն է կյանքում:

ՀՀ առաջին նախագահ Լեւոն Տեր-Պետրոսյան



Ճագարի տարին քաղաքացիների համար խոստանում է շատ վայրկյաններ չանել կյանքի ռիթմն ու ակտիվության չափաբաժինը կպահպանվի նաև 2023 թվականին: Ձեր իմաստուն խորհուրդները լսելու կարիք, իհարկե, միշտ կա, բայց միանակամայակ

Ձեր ձգտումները՝ առավելապաշտական նկրտումներով, դատապարտված են էլի ծախողման: Աստղերը հուշում են հետեւել Ձեր առողջությանը, շարունակել թոռների կրթության վրա գործադրվող ջանքերը:

ՀՀ երկրորդ նախագահ Ռոբերտ Բոչարյան



Ձիու տարում ծնված Ռոբերտ Բոչարյանի համար կյանքի հետ աքրքրությունները շարունակելու են նույնը մնալ, ինչ 2022 թվականին. սեփական առողջությունը, սպորտով զբաղվելու անշեղ գործելանքը եւ հայրենիքի համար մտահոգությունները, որոնք դրսեւորվում են տարբեր կերպ: 2023-ի կանխատեսումներն ասում են, որ ձիերը հիանալի առողջություն կունենան տարվա ընթացքում, սակայն նրանց էմոցիոնալ առողջությունը խնդիրների առաջ կկանգնի: Հարաբերությունները կբախվեն բազմաթիվ մարտահրավերների: Պետք է ջանքեր գործադրել, որպեսզի հեռացվեն խոչընդոտները, եւ հարաբերությունները դառնան ավելի կայուն եւ հաճելի: Դուք վերջնականապես հասկացաք, որ քաղաքական նորելուկ՝ թիթեռնիկ գործիչների հետ, որոնք հավակնում են կուսակցապետ լինել, չարժեք ճանապարհ գնալ, եւ նրանցից օր առաջ ազատվել Ձեզ ավելի կուժեղացնի: Շարունակվե՞ք Ձեր հաստատուն կեցվածով առաջ գնալ, շատ ժամանակ անցկացնել ընտանիքի անդամների հետ. կայուն արժեքը ընտանիքն է: Աստղերը հուշում են այս տարում առավել ակտիվ լինել, քանի որ Ձեր պատկանությունը ակտիվացնում է անհայրենիք տեսակին:

ՀՀ երրորդ նախագահ Սերժ Սարգսյան



Ձիու տարում ծնված Սերժ Սարգսյանի համար այս տարին խոստանում է առավել ակտիվ լինել: Մինչ այս Ձեր առավել ծածուկ գործելանքը կփոխարինվի ավելի բացահայտ քայլերով: Ձեր կողքին կանգնած հաստատուն թիմակիցները կշարունակեն ոգեւորել Ձեզ՝ հասկանալու համար, որ Ձեր նկատմամբ ընկալումն ու պատկերացումներն են սխալ եղել անցյալում: Աստղերը հուշում են խոսել այս տարի եւ վերջապես բացատրել թեւավոր դարձած միտքը՝ «Նիկոլը ճիշտ էր, եւ սխալվեցի»... Ի՞նչ էր դա նշանակում: Իհարկե, չմոռանա՞ք, որ աստղերը հուշում են, բայց երբեք չեն պարտադրում: Հետեւե՞ք Ձեր առողջությանը:

Վերջում հիշեցնենք, որ աստղերը հուշում են, բայց չեն պարտադրում:

● Անցած 1 օրվա ընթացքում Հայաստանի Հանրապետությունում արձանագրվել է 12 ՃՏՊ. 1 մարդ զոհվել է, 15-ը՝ ստացել տարբեր աստիճանի մարմնական վնասվածքներ:



Քնար Մանուկյան

«Ես խոնարհվում եմ ու ներողություն եմ խնդրում հայրենիքի համար զոհված մեր հերոս տղերքից: Խոնարհվում եմ նրանց հերոս մայրերի, բալիկների, կանանց առաջ: Ցավիք, չունեմ որեւէ մաղթանք, միայն ու միայն երազում եմ խաղաղ հայրենիքի, հզոր հայրենիքի, անվտանգ հայրենիքի ու հաղթանակած հայրենիքի մասին»:



Նաիրա Գովհաննիսյան

«Թող 2023 թվականը մեզ տա սեփական ցանկությունները մեր սեփական ձեռքերով իրականացնելու հնարավորություն: Թող անցնող տարվա հետ գնան բոլոր դժվարությունները, հիվանդություններն ու դժբախտությունները»:



Սեակ Վարդումյան

«2020-ից ի վեր հայ ժողովրդի համար Ամանորը ոչ թե տոն, այլ տարվա հերթական պտույտն է: Ծանր ժամանակներ ենք ապրում, ականատեսը լինում պետականության մաս-մաս ծվատման ու անդառնալի կորուստների, ու այս ամենի ֆոնին այնքան բարդ է լավի կամ դրականի մասին խոսելը: Իսկապես իրատես պետք է լինել ու գիտակցել, որ միայն տքնաջան աշխատանքով կարող ենք պետությունը ողջի հանել ու պահել, փայփայել կես բռաջափ դարձած երկիրը: Բայց, այնուամենայնիվ, մաղթենք, որ 2023-ին «ազատ շնչե Զայաստան, եւ շուրջ Մասիս մեր սարին փայլեին արտ-անդաստան...»:



Սյունե Զամբարձումյան

«Ժպիտ, սեր, ուրախություն, խաղաղություն բուրի...»:



Ալվարդ Կոշկակարյան

«2023-ը հնարավորություն է ավելի լավ դառնալու: Ցանկանում եմ, որ տարին ամրապնդի ազատությունը, խաղաղությունը, ստեղծարարությունը... Թող այս լավ տարին իր հետ բարի լրահու բերի: Շնորհավոր Ամանոր»:



Ռոդա Պողոսյան

«Գալը բարի, 2023 թվական, խաղաղություն Զայոց աշխարհին: Շնորհավոր Ամանոր եւ Սուրբ Ծնունդ»:



Զեմնա Գետրոսյան

«Բուրի խաղաղություն, առողջություն, երջանկություն եւ մեծ սեր»:



Յուլիա Գրիգորյան

«2023 թվականը թող լինի խաղաղ երկնքի, մեր սահմանների ամրության, կենաց ոգու դիմակայության տարի»:



Ռսկան Սարգսյան

«Նոր տարում Արցախում եւ Զայաստանի սահմաններին խաղաղություն թող լինի: Զայաստանի բնակիչներին եւ աշխարհի հայերին մաղթում եմ առողջություն, բարի աշխատանք եւ հաջողություններ»:



Լիդա Եղիազարյան

«Բարի՛ գալուստ, 2023 թվական. թող այս տարի խաղաղության եւ բարության տարի լինի»:



Մանե Ասրյան

«Սրտանց շնորհավորում եմ բոլորիս Ամանորն ու Սուրբ Ծնունդը: Թող 2023 թվականը լինի սիրո, համերաշխության տարի: Թող սեւ Նապաստակի տարին ողջ աշխարհին բերի խաղաղություն ու բարություն: Եղեք առողջ ու երջանիկ»:



Մարիամ Դանիելյան

«Զգիտեմ՝ ես եմ միայն, որ ժամանակը հաշվելիս ականա սկսում եմ 2020 թվականից՝ չսպիացող բեկում ժամանակի ու տարածության մեջ... Թող որ 2023 թվականը բեկումնային լինի 2020-ի հակառակ ուղեծրից, եւ այս անգամ արեւի շուրջ պտույտը լինի աննախադեպ արգասաբեր ու հաղթական...»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 22.12.2022

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ
չեն վերադարձվում, Գ նշանով նյութերը գովազդային
հրապարակումներ են, որոնց համար խմբագրությունը
պատասխանատվություն չի կրում: